

werst. ve deme munde deffer vrouwe. dat de weldigē
van scholen ghenedderget vñ gheotmodiger werden
vñ de kloeken scholen dar van vorstūmet werden. vñ
du en scholt des nicht lōue. dat desse wort wthgan vā
deme bōsen geyste. de dy desse vrouwe wert seggende.
wente wat ick segge dat wyl ick bewysen myt dē wer
ken Also hoef he do an de openbaringe. beyde de daer
alreide scheen weren. vñ de dar na schegen in sweden.
Do in sinte Birgitte to rome toech. do blef desse bro
der Peter in sweden etlyke tyd. vntē de wyle schref eer
bichuader den se to rome hadde de openbaringe de
eer schegen. also lange dat er de sulue broder peter vā
bodes weghe vnses heren nauolgete to rome.

Van eyneme guden leygebrotter vñ sinte Bir
gitten. Dat xv capittel.

Vdesseme vorbenōmeten klosterē was
eyn leygebrotter genōmet Gerwifus. de
erwas in vertich iaren ny vth deme klo
stere gewesen. mē he was dach vñ nacht
stede in synem betē. vñ hadde of de gna
de. dat eme syn geyst in syneme betē wart entrucker.
vñ sach dēre de negen kōre der hilghen engelen. of sach
he vāēne vnsen heren Cristum in der vphēuinge des
sacramētes. in der staltenisse eynes klenē kyndes Des
se broder vorwūterde syt des. dat sinte Birgitte won
de by deme klosterē. vñ sprack. Woume syd desse vro
we in desseme klosterē tegen vnsē regelen. vñ brynget
eyne nyge wonheyt vp. do wart he entrucker in deme
geyste. vñ horte eyne stemme openbar to eme sprackē de.